

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE**

Broj: 01-45-19151/21

**ZAPISNIK
S 12. SJEDNICE
GRADSKOG VIJEĆA ZENICA
održane 22. jula 2021. godine**

juli, 2021. godine

**Zapisnik s 12. sjednice Gradskog vijeća Zenica,
održane 22.07.2021. godine**

Sjednica je počela s radom u 10.00 sati.

Sjednicom je predsjedavao Mirza Husetić, predsjedavajući Gradskog vijeća Zenica.

Prije utvrđivanja kvoruma, svi prisutni su odali počast žrtvama genocida u Srebrenici učenjem fatihe i minutom šutnje.

Na početku sjednice konstatovano je da sjednici prisustvuju 24 vijećnika, te da Vijeće može punovažno odlučivati. Odsustvo s današnje sjednice Vijeća najavili su vijećnici Ibrahim Šišić i Elvis Alijagić, dok je vijećnik Ekrem Tuka najavio kašnjenje.

Obrazložene prijedloge za dopunu Prijedloga dnevnog reda za 12. sjednicu Vijeća podnijeli su:

1. Gradonačelnik Fuad Kasumović:

- Zahtjev za izjašnjenje Gradskog vijeća na akt MUP-a ZDK broj: 08-02-03/2-03-2-2717-1/21 od 15.07.2021. godine

2. Vijećnik Kenan Uzunović, u svojstvu predsjednika Komisije za izbor i imenovanja:

- Prijedlog kandidata za izborne funkcije predsjedavajućeg Gradskog vijeća, zamjenika predsjedavajućeg Gradskog vijeća i člana Radnog predsjedništva, uz zahtjev da se ova tačka razmatra na samom početku.

3. Vijećnik Malik Ejubović, Klub vijećnika SDA:

- Prijedlog zaključka o vraćanju redovnog sanitetskog vozila na područje MZ „Nemila“, uz pripadajući objekat ambulante porodične medicine,
 - Inicijativa o preimenovanju Kamberovića mosta u Most žrtava genocida u Srebrenici s pripadajućim prijedlogom odluke.
- Gradonačelnik se javio za riječ i dao određeno pojašnjenje u vezi s prvim prijedlogom Kluba vijećnika SDA za dopunu prijedloga dnevnog reda.

Vijećnik Nermin Mehić javio se za riječ i informisao vijećnike, gradonačelnika i ostale prisutne o stavu Gradskog pravobranilaštva, dostavljenom povodom Prijedloga Odluke o preuzimanju građevinskog zemljišta iz posjeda OŠ Ahmed Muradbegović Zenica i zamjeni istog zemljišta za građevinsko zemljište u vlasništvu i posjedu privrednog društva „Orijent“ d.o.o. Zenica.

4. Komisija za provođenje postupaka javnih konkursa nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica:

- Izvještaj o provedenom postupku javnog nadmetanja – licitacije, radi prodaje građevinskog zemljišta na lokalitetu Trg rudara

Vijećnici su se, najprije, izjasnili o predloženim dopunama Prijedloga dnevnog reda za 12. sjednicu kako slijedi:

1. Izvještaj o provedenom postupku javnog nadmetanja – licitacije, radi prodaje građevinskog zemljišta na lokalitetu Trg rudara u prijedlog dnevnog reda uvršten je s 23 glasa “ZA”, bez glasova “PROTIV” i s 1 glasom “UZDRŽAN”.

2. Zahtjev za izjašnjenje Gradskog vijeća na akt MUP-a ZDK broj: 08-02-03/2-03-2-2717-1/21 od 15.07.2021. godine, u prijedlog dnevnog reda uvršten je s 23 glasa “ZA”, bez glasova “PROTIV” i s 1 glasom “UZDRŽAN”.

3. Prijedlog kandidata za izborne funkcije: predsjedavajućeg Gradskog vijeća, zamjenika predsjedavajućeg Gradskog vijeća i člana Radnog predsjedništva, uvršten je u prijedlog dnevnog reda sa 17 glasova “ZA”, 1 glasom “PROTIV” i sa 6 glasova “UZDRŽAN”.

Sa 17 glasova “ZA”, bez glasova “PROTIV” i sa 7 glasova “UZDRŽAN” prihvaćen je prijedlog Mirze Husetića da se ova tačka razmatra na rednom broju 2, prije vijećničkih pitanja.

4. Inicijativa vijećnika Malika Ejubovića o preimenovanju Kamberovića mosta u Most žrtava genocida u Srebrenici s 9 glasova “ZA”, bez glasova “PROTIV” i s 15 glasova “UZDRŽAN” nije dobila dovoljan broj glasova vijećnika, te ista nije uvrštena u Prijedlog dnevnog reda za 12. sjednicu Vijeća.

5. Prijedlog zaključka o vraćanju redovnog sanitetskog vozila na područje MZ „Nemila“ uz pripadajući objekat ambulante porodične medicine s 8 glasova “ZA”, bez glasova “PROTIV” i sa 16 glasova “UZDRŽAN” nije dobio dovoljan broj glasova vijećnika, te isti nije uvršten u Prijedlog dnevnog reda za 12. sjednicu Vijeća.

Vijećnici su sa 17 glasova “ZA”, 6 glasova “PROTIV” i s 1 glasom “UDRŽAN”, usvojili sljedeći prijedlog dnevnog reda za 12. sjednicu Vijeća:

Tačka 1.

Zapisnik s 11. sjednice Gradskog vijeća Zenica, održane 17.06.2021. godine

Tačka 2.

Prijedlog za izbor i imenovanje predsjedavajućeg Gradskog vijeća, zamjenika predsjedavajućeg Gradskog vijeća i člana Radnog predsjedništva

Tačka 3.

Vijećnička pitanja i inicijative

Tačka 4.

Prijedlog Zaključka o davanju prethodne saglasnosti na mogućnost dodjele koncesije za istraživanje i eksploataciju mineralne sirovine uglja na teritoriji Grada Zenica

Tačka 5.

a) Prijedlog Odluke o usvajanju izmjena i dopuna Regulacionog plana „Centar Nemila“ (skraćeni postupak)

b) Prijedlog Odluke o izmjenama i dopunama Odluke o provođenju Regulacionog plana „Centar Nemila“

Tačka 6.

- a) Prijedlog Odluke o usvajanju izmjena i dopuna Regulacionog plana „Mokušnice“ (skraćeni postupak)**
- b) Prijedlog Odluke o izmjenama i dopunama Odluke o provođenju Regulacionog plana „Mokušnice“**

Tačka 7.

Prijedlog Odluke o pristupanju izradi Gender akcionog plana Grada Zenica za period 2021.-2024. godine

Tačka 8.

Prijedlog Odluke o preuzimanju građevinskog zemljišta iz posjeda JU OŠ „Ahmed Muradbegović“ Zenica i zamjeni istog zemljišta za građevinsko zemljište u vlasništvu i posjedu Privrednog društva „Orijent“ d.o.o. Zenica, radi usklađivanja susjednih parcela

Tačka 9.

Prijedlog Odluke o prodaji gradskog građevinskog zemljišta u „Omladinskom naselju Nemila“

Tačka 10.

Prijedlog Odluke o izmjeni Odluke o osnivanju Gradskog pravobranilaštva Zenica

Tačka 11.

Prijedlog Odluke o načinu i uslovima prodaje neizgrađenog građevinskog zemljišta putem neposredne pogodbe u Radnoj zoni „Zenica I“, radi izgradnje proizvodno-poslovnih objekata

Tačka 12.

Prijedlog Rješenja o imenovanju člana Upravnog odbora JU “Dom zdravlja” Zenica

Tačka 13.

Izveštaj o poslovanju JP „Grijanje“ d.o.o. Zenica za 2020. godinu

Tačka 14.

- a) Program organizovanja sezone grijanja 2021./2022. godina**
- b) Odluka o cijeni isporučene toplotne energije za grijanje stambenog i poslovnog prostora Grada Zenice u sezoni grijanja 2021./2022. godine**

Tačka 15.

Prijedlog Zaključka o davanju saglasnosti „EKOR-KOMERC“ d.o.o. Zenica za izgradnju poslovnog objekta

Tačka 16.

Prijedlog Zaključka o davanju saglasnosti za legalizaciju započete izgradnje proizvodnog objekta i nastavak građevinskih radova Društvu za građevinarstvo i trgovinu „NEIMARI ŠERIĆI“ d.o.o. Zenica

Tačka 17.

Izveštaj o provedenom postupku javnog nadmetanja – licitacije, radi prodaje građevinskog zemljišta na lokalitetu Trg rudara

Tačka 18.

Zahtjev za izjašnjenje Gradskog vijeća Zenica na akt Mnistarstva unutrašnjih poslova Zeničko-dobojskog kantona broj: 08-02-03/2-03-2-2717-1/21 od 15.07.2021. godine

Tačka 1. Zapisnik s 11. sjednice Gradskog vijeća Zenica, održane 17.06.2021. godine

U raspravi niko nije učestvovao.

Zapisnik s 11. sjednice Gradskog vijeća Zenica, održane 17.06.2021. godine, usvojen je sa 23 glasa "ZA", bez glasova "PROTIV" i bez glasova "UZDRŽAN".

Tačka 2. Prijedlog za izbor i imenovanje predsjedavajućeg Gradskog vijeća, zamjenika predsjedavajućeg Gradskog vijeća i člana Radnog predsjedništva

Uvodne napomene dao je Kenan Uzunović, predsjednik Komisije za izbor i imenovanja.

U raspravi o ovoj tački dnevnog reda učestvovali su vijećnici: Malik Ejubović, Mahdi Alić, Šerif Patković, Almir Babajić i Mirza Husetić. U raspravi je učestvovao gradonačelnik, dajući određena pojašnjenja.

U 10.59 sati saopštena je pauza u trajanju od 5 minuta, pa je sjednica nastavila s radom u 11.15 sati.

Nakon pauze, u raspravi su učestvovali vijećnici: Kenan Uzunović, Nermin Mehić, Osman Šuvalić i Kenan Alispahić. U raspravi je učestvovao Gradonačelnik, dajući dodatno pojašnjenje.

Po zaključenju rasprave, vijećnici su se glasanjem izjasnili o Prijedlogu Komisije za izbor i imenovanja za imenovanje Mirze Husetića za predsjedavajućeg Vijeća, Semira Huseinovića, za zamjenika predsjedavajućeg Vijeća i Elvisa Alijagića za člana Radnog predsjedništva i isti usvojili sa 18 glasova "ZA", 1 glasom "PROTIV" i 5 glasova "UZDRŽAN".

Tačka 3. Vijećnička pitanja i inicijative

Vijećnička pitanja su postavili i vijećničke inicijative podnijeli vijećnici: Kenan Uzunović, Denan Pašalić, Alen Kapković, Mahdi Alić, Vernes Menzilović, Nermin Mehić, Sanjin Aldobašić i Almir Babajić.

Vijećnik Kenan Uzunović usmeno je podnio inicijativu u vezi sa čišćenjem korita rijeke Bosna. Vijećnik Denan Pašalić podnio je inicijativu Ministarstvu za prostorno uređenje, promet i komunikacije i zaštitu okoline ZDK za izgradnju prilaza parcelama i stambenim objektima mještana u naselju Kula, MZ "Donje Babino". Vijećnik Alen Kapković podnio je inicijativu za postavljanje reflektora na terenu za mali nogomet u sklopu SRC Kamberovića polje. Vijećnik Mahdi Alić podnio je dvije vijećničke inicijative: 1. Inicijativu za izgradnju nove ambulate porodične medicine u Tetovu i 2. Inicijativu za postavljanje vertikalnog saobraćajnog znaka "zabrana zaustavljanja i parkiranja", te fizičke zaštite oko zelene površine u ul. Travnička 26. Na inicijativu vijećnika Mahdija Alića, u vezi s izgradnjom nove ambulate porodične medicine, usmeno je odgovorio gradonačelnik Fuad Kasumović. Vijećnik Vernes Menzilović podnio je dvije inicijative: 1. Inicijativu za ograničavanje kretanja teretnim

vozilima na putu B.Han - Pepelari čija ukupna masa prelazi 10 tona i 2. Inicijativu za ažurnije održavanje puteva u prigradskim i ruralnim područjima, prvenstveno kada je u pitanju košenje trave i niskog rastinja pored puteva kojima saobraćaju vozila. Vijećnik Malik Ejubović postavio je vijećničko pitanje JP "Parking servis" u vezi sa stanjem parking prostora u Novoj Zenici. Također je podnio inicijativu za održavanje tematske sjednice na temu stanja zaposlenosti u Gradu i donošenja mjera za poboljšanje ekonomije na teritoriji Grada Zenica. Vijećnik Nermin Mehić podnio je dvije inicijative: 1. Inicijativu za regulisanje, odnosno poštovanje saobraćajne signalizacije na lokalitetu ispred i oko Kapije 2, KB Zenica, 2. Inicijativu za poduzimanje odgovarajućih aktivnosti radi zaštite cvijeta Srebrenice izgrađenog na zelenoj površini u ul. Dr. Čire Truhelke br. 10. Vijećnik Faruk Hodžić podnio je dvije inicijative: 1. Inicijativu za iznalaženje brze mogućnosti za sanaciju udarnih rupa na gradskim ulicama, 2. Inicijativu za saniranje i gašenje požara na lokalitetu Crkvičko brdo, tzv. "Pušara". Vijećnik Sanjin Aldobašić usmeno je postavio dva vijećnička pitanja kojima se traži: 1. uređenje lokaliteta Smetovi i 2. održavanje hitne tematske sjednice vezane za revidiranje ugovora zaključenog s preduzećem Alba Zenica. Vijećnik Almir Babajić postavio je vijećničko pitanje u vezi sa zaključenjem aneksa ugovora o načinu i uslovima korištenja autobuske stanice.

Napomena: Vijećnička pitanja i inicijative podneseni u pisanoj formi, dostavljaju se u prilogu dostavnih akata, koji se od strane Stručne službe Gradskog vijeća upućuju nadležnim gradskim službama i drugim subjektima, radi vjerodostojnosti postavljenog vijećničkog pitanja, odnosno podnesene inicijative.

Tačka 4. Prijedlog Zaključka o davanju prethodne saglasnosti na mogućnost dodjele koncesije za istraživanje i eksploataciju mineralne sirovine uglja na teritoriji Grada Zenica

Uvodne napomene za ovu tačku dnevnog reda dala je Amra Mehmedić, pomoćnica Gradonačelnika za privredu i upravljanje razvojem.

U raspravi o ovoj tački dnevnog reda učestvovali su vijećnici: Almir Babajić, Šerif Patković, Emina Tufekčić, Malik Ejubović i Denan Pašalić. U raspravi su također učestvovali: gradonačelnik Fuad Kasumović, Amra Mehmedić, pomoćnica gradonačelnika za privredu i upravljanje razvojem, Merhun Arnaut, predstavnik RMU Zenica i Mirsad Heleg, savjetnik gradonačelnika, dajući određena pojašnjenja. U toku rasprave vijećnik Šerif Patković predložio je donošenje zaključka:

(1) Traži se od Službe za urbanizam da, u procedurama izdavanja dozvola za izgradnju objekata na zemljištu u rudničkim zonama, poduzme sve mjere i aktivnosti u okviru svojih nadležnosti u skladu sa zakonom.

Po zaključenju rasprave vijećnici su se glasanjem izjasnili o Prijedlogu Zaključka o davanju prethodne saglasnosti na mogućnost dodjele koncesije za istraživanje i eksploataciju mineralne sirovine uglja na teritoriji Grada Zenica i isti usvojili sa 22 glasa "ZA", 1 glasom "PROTIV" i 1 glasom "UZDRŽAN", a zatim o prijedlogu zaključka vijećnika Šerifa Patkovića i isti usvojili sa 18 glasova "ZA", bez glasova "PROTIV" i sa 6 glasova "UZDRŽAN".

Tačka 5. a) Prijedlog Odluke o usvajanju izmjena i dopuna Regulacionog plana „Centar Nemila“ (skraćeni postupak)

**b) Prijedlog Odluke o izmjenama i dopunama Odluke o provođenju
Regulacionog plana „Centar Nemila“**

Uvodne napomene za ovu tačku dnevnog reda dali su Bojana Primorac, pomoćnica gradonačelnika za urbanizam i gradonačelnik Fuad Kasumović. Izmjene i dopune Regulacionog plana prezentovala je Lejla Brljevac, direktorica JP za prostorno planiranje i uređenje grada “Zenica” d.o.o. Zenica.

U raspravi o ovoj tački dnevnog reda učestvovali su vijećnici: Nermin Mehić, Šerif Patković. Almir Babajić i Kenan Uzunović.

Vijećnik Nermin Mehić predložio je donošenje sljedećeg zaključka:

- (1) Traži se od Službe za inspekcijske poslove da Gradskom vijeću dostavi podatke o svim stambeno-poslovnim objektima u urbanom dijelu Grada, koji nisu izgrađeni u skladu s postojećom prostorno-planskom dokumentacijom.*

Po zaključenju rasprave vijećnici su se glasanjem izjasnili o: a) Prijedlog Odluke o usvajanju izmjena i dopuna Regulacionog plana „Centar Nemila“ (skraćeni postupak) i b) Prijedlog Odluke o izmjenama i dopunama Odluke o provođenju Regulacionog plana „Centar Nemila“ i iste usvojili s 19 glasova “ZA”, bez glasova “PROTIV” i 2 glasa “UZDRŽAN”, a zatim o prijedlogu zaključka vijećnika Nermina Mehića i isti usvojili s 21 glasom “ZA”, bez glasova “PROTIV” i bez glasova “UZDRŽAN”.

**Tačka 6. a) Prijedlog Odluke o usvajanju izmjena i dopuna Regulacionog plana
„Mokušnice“ (skraćeni postupak)
b) Prijedlog Odluke o izmjenama i dopunama Odluke o provođenju
Regulacionog plana „Mokušnice“**

Uvodne napomene za ovu tačku dnevnog reda dala je Bojana Primorac, pomoćnica gradonačelnika za urbanizam. Izmjene i dopune Regulacionog plana prezentovala je Lejla Brljevac, direktorica JP za prostorno planiranje i uređenje grada “Zenica” d.o.o. Zenica.

Za diskusiju se javio vijećnik Sanjin Aldobašić.

Po zaključenju diskusije vijećnici su se izjasnili glasanjem o: a) Prijedlog Odluke o usvajanju izmjena i dopuna Regulacionog plana „Mokušnice“ (skraćeni postupak) i b) Prijedlog Odluke o izmjenama i dopunama Odluke o provođenju Regulacionog plana „Mokušnice“ i iste usvojili s 22 glasa “ZA”, bez glasova “PROTIV” i s 1 glasom “UZDRŽAN”.

**Tačka 7. Prijedlog Odluke o pristupanju izradi Gender akcionog plana Grada Zenica za
period 2021.-2024. godine**

Nije bilo potrebe za uvodnim napomenama.

U raspravi niko nije učestvovao.

Vijećnici su s 23 glasa “ZA”, bez glasova “PROTIV” i bez glasova “UZDRŽAN” usvojili Prijedlog Odluke o pristupanju izradi Gender akcionog plana Grada Zenica za period 2021.-2024. godine.

Tačka 8. Prijedlog Odluke o preuzimanju građevinskog zemljišta iz posjeda JU OŠ „Ahmed Muradbegović“ Zenica i zamjeni istog zemljišta za građevinsko zemljište u vlasništvu i posjedu Privrednog društva „Orijent“ d.o.o. Zenica, radi usklađivanja susjednih parcela

Stav Komisije za prostorno planiranje i ekologiju iznio je predsjednik Komisije Nermin Mehić. Nije bilo potrebe za uvodnim napomenama.

U raspravi niko nije učestvovao.

Po zaključenju rasprave vijećnici su se izjasnili glasanjem o Prijedlogu Odluke o preuzimanju građevinskog zemljišta iz posjeda JU OŠ „Ahmed Muradbegović“ Zenica i zamjeni istog zemljišta za građevinsko zemljište u vlasništvu i posjedu Privrednog društva „Orijent“ d.o.o. Zenica, radi usklađivanja susjednih parcela i isti usvojili s 16 glasova “ZA”, 2 glasa “PROTIV” i 6 glasova “UZDRŽAN”.

Tačka 9. Prijedlog Odluke o prodaji gradskog građevinskog zemljišta u „Omladinskom naselju Nemila“

Uvodne napomene za ovu tačku dnevnog reda dao je gradonačelnik Fuad Kasumović.

U raspravi su učestvovali vijećnici: Mehić Nermin, Šerif Patković, Alen Kapković i Faruk Hodžić.

U raspravi su učestvovali gradonačelnik i Emir Delić, pomoćnik gradonačelnika za imovinsko-pravne, geodetske poslove i katastar nekretnina, dajući određena pojašnjenja i odgovore na pitanja vijećnika učesnika u raspravi.

Vijećnik Nermin Mehić predložio je zaključak da se 50% sredstava, ostvarenih prodajom gradskog građevinskog zemljišta u „Omladinskom naselju“ Nemila, usmjeri za realizaciju projekata mjesnih zajednica na području Nemilskog sliva.

Po zaključenju rasprave vijećnici su se glasanjem izjasnili o Prijedlogu Odluke o prodaji gradskog građevinskog zemljišta u „Omladinskom naselju Nemila“ i isti usvojili s 25 glasova “ZA”, bez glasova “PROTIV” i s 1 glasom “UZDRŽAN”, a zatim o prijedlogu zaključka vijećnika Nermina Mehića i isti usvojili s 26 glasova “ZA”, bez glasova “PROTIV” i bez glasova “UZDRŽAN”.

Tačka 10. Prijedlog Odluke o izmjeni Odluke o osnivanju Gradskog pravobranilaštva Zenica

Uvodne napomene za ovu tačku dnevnog reda dao je gradonačelnik Fuad Kasumović.

U raspravi o ovoj tački dnevnog reda učestvovali su vijećnici: Šerif Patković, Sanjin Aldobašić, Malik Ejubović i Emina Tufekčić.

Gradonačelnik i Emir Delić, pomoćnik Gradonačelnika za imovinsko-pravne, geodetske poslove i katastar nekretnina učestvovali su u raspravi dajući pojašnjenja.

Prije izjašnjavanja o ovoj tački dnevnog reda, a na zahtjev Kluba vijećnika SDA, predsjedavajući Vijeća Mirza Husetić saopštio je u 14.21 sati pauzu u trajanju od pet minuta, pa je sjednica nastavila s radom u 14.33 sati.

Nakon pauze vijećnici su se najprije izjasnili glasanjem o Prijedlogu Odluke o izmjeni Odluke o osnivanju Gradskog pravobranilaštva Zenica i isti usvojili sa 16 glasova “ZA”, bez glasova “PROTIV” i s 9 glasova “UZDRŽAN”.

Predsjedavajući Vijeća Mirza Husetić pročitao je prijedlog zaključka vijećnika Malika Ejubovića koji glasi:

Zadužuje se gradski pravobranilac da za iduću sjednicu dostavi svoj dosadašnji izvještaj o radu, uz pojašnjenje potrebe zapošljavanja dodatnog zamjenika pravobranioca.

Na traženje predsjedavajućeg Vijeća vijećnici su se izjasnili glasanjem o pročitanoj prijedlogu zaključka i isti usvojili s 25 glasova “ZA”, bez glasova “PROTIV” i bez glasova “UZDRŽAN”.

Tačka 11. Prijedlog Odluke o načinu i uslovima prodaje neizgrađenog građevinskog zemljišta putem neposredne pogodbe u Radnoj zoni „Zenica I“, radi izgradnje proizvodno-poslovnih objekata

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Namir Škaljo, Almir Babajić i Sanjin Aldobašić. Vijećnik Sanjin Aldobašić, u svojstvu predsjednika Komisije za ekonomske odnose, iznio je stav komisije.

U raspravi su učestvovali Gradonačelnik, Amra Mehmedić, pomoćnica Gradonačelnika za privredu i upravljanje razvojem i Emir Delić, pomoćnik Gradonačelnika za imovinsko-pravne, geodetske poslove i katastar nekretnina, dajući određena pojašnjenja.

Gradonačelnik, u svojstvu predlagача, prihvatio je prijedlog vijećnika Almira Babajića da se u predmetnoj odluci navede zaštitna klauzula kojom se predviđa da se objekat mora izgraditi najkasnije u roku od 3 godine do ispunjenja planske namjene u svrhu koje je izvršena prodaja.

Po zaključenju rasprave vijećnici su se izjasnili glasanjem o Prijedlogu Odluke o načinu i uslovima prodaje neizgrađenog građevinskog zemljišta putem neposredne pogodbe u Radnoj zoni „Zenica I“, radi izgradnje proizvodno-poslovnih objekata, s predloženom dopunom i isti usvojili s 25 glasova “ZA”, bez glasova “PROTIV” i bez glasova “UZDRŽAN”.

U 14.45 predsjedavajući Vijeća Mirza Husetić saopštio je pauzu i zakazao nastavak sjednice u 15.30 sati.

Tačka 12. Prijedlog Rješenja o imenovanju člana Upravnog odbora JU “Dom zdravlja” Zenica

Nije bilo potrebe za uvodnim napomenama.

U raspravi niko nije učestvovao.

Vijećnici su s 20 glasova “ZA”, bez glasova “PROTIV” i s 1 glasom “UZDRŽAN” usvojili Prijedlog Rješenja o imenovanju člana Upravnog odbora JU “Dom zdravlja” Zenica.

Tačka 13. Izvještaj o poslovanju JP „Grijanje“ d.o.o. Zenica za 2020. godinu

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Malik Ejubović, Alen Kapković, Sanjin Aldobašić, Faruk Hodžić, Namir Škaljo, Nermin Mehić i Šerif Patković. U raspravi su, također, učestvovali gradonačelnik Fuad Kasumović i Vahdet Drino, direktor JP “Grijanje” d.o.o. Zenica, dajući pojašnjenja i odgovore na pitanja vijećnika učesnika u raspravi. Vijećnik Nermin Mehić predložio je zaključak:

- (1) Gradsko vijeće predlaže Gradonačelniku, kao Skupštini javnih preduzeća i javnih ustanova čiji je osnivač Grad Zenica, izuzev JU „Dom zdravlja“ Zenica i JU Apoteka „Zdravlje“ Zenica, da za javna preduzeća i javne ustanove, kojima*

Gradsko vijeće nije usvojilo izvještaj o radu i poslovanju, iz razloga ostvarenog negativnog finansijskog rezultata, odnosno gubitka u poslovanju, izanalizira razloge zbog kojih je došlo do negativnog finansijskog rezultata i razmotri opciju smjene nadzornih i upravnih odbora, odnosno rukovodstva javnih preduzeća i javnih ustanova.

Po zaključenju rasprave vijećnici su se glasanjem izjasnili o Izvještaju o poslovanju JP „Grijanje“ d.o.o. Zenica za 2020. godinu i isti **nisu usvojili** s 9 glasova „ZA“, bez glasova „PROTIV“ i s 11 glasova „UZDRŽAN“, a zatim o prijedlogu zaključka vijećnika Nermina Mehića i isti usvojili s 25 glasova „ZA“, bez glasova „PROTIV“ i bez glasova „UZDRŽAN“.

Tačka 14. a) Program organizovanja sezone grijanja 2021./2022. godina

b) Odluka o cijeni isporučene toplotne energije za grijanje stambenog i poslovnog prostora Grada Zenice u sezoni grijanja 2021./2022. godina

Nije bilo potrebe za uvodnim napomenama.

U diskusiji su učestvovali vijećnici Almir Babajić i Sanjin Aldobašić.

Vijećnik Sanjin Aldobašić, u svojstvu predsjednika Komisije za ekonomske odnose, iznio je prijedlog Komisije o produženju grijne sezone, u trajanju od 01. oktobra do 01. maja.

Po zaključenju diskusije vijećnici su se izjasnili glasanjem o: a) Program organizovanja sezone grijanja 2021./2022. godina i b) Odluka o cijeni isporučene toplotne energije za grijanje stambenog i poslovnog prostora Grada Zenice u sezoni grijanja 2021./2022. godine i iste usvojili s 19 glasova „ZA“, bez glasova „PROTIV“ i s 1 glasom „UZDRŽAN“, a zatim o prijedlogu Komisije za ekonomske odnose o izmjeni datuma grijne sezone i isti usvojili s 19 glasova „ZA“, bez glasova „PROTIV“ i bez glasova „UZDRŽAN“.

Tačka 15. Prijedlog Zaključka o davanju saglasnosti „EKOR-KOMERC“ d.o.o. Zenica za izgradnju poslovnog objekta

Uvodne napomene za ovu tačku dnevnog reda dao je Emir Delić, pomoćnik gradonačelnika za imovinsko-pravne, geodetske poslove i katastar nekretnina.

U raspravi o ovoj tački dnevnog reda učestvovali su vijećnici: Kenan Uzunović, Malik Ejubović i Almir Babajić. Vijećnik Nermin Mehić, u svojstvu predsjednika Komisije za prostorno planiranje i ekologiju, iznio je stav Komisije. Također, u raspravi su učestvovali Bojana Primorac, pomoćnica gradonačelnika za urbanizam i Emir Delić, pomoćnik gradonačelnika za imovinsko-pravne, geodetske poslove i katastar nekretnina, dajući određena pojašnjenja. Po zaključenju rasprave vijećnici su se izjasnili glasanjem o Prijedlogu Zaključka o davanju saglasnosti „EKOR-KOMERC“ d.o.o. Zenica za izgradnju poslovnog objekta i isti usvojili s 21 glasom „ZA“, 3 glasa „PROTIV“ i bez glasova „UZDRŽAN“.

Tačka 16. Prijedlog Zaključka o davanju saglasnosti za legalizaciju započete izgradnje proizvodnog objekta i nastavak građevinskih radova Društvu za građevinarstvo i trgovinu „NEIMARI ŠERIĆI“ d.o.o. Zenica

Nije bilo potrebe za uvodnim napomenama.

Vijećnik Nermin Mehić, u svojstvu predsjednika Komisije za prostorno planiranje i ekologiju, iznio je stav Komisije.

U raspravi su učestvovali vijećnici: Kenan Uzunović, Nermin Mehić, Malik Ejubović, Šerif Patković i Almir Babajić. U raspravi je učestvovao Emir Delić, pomoćnik gradonačelnika za imovinsko-pravne, geodetske poslove i katastar nekretnina, dajući pojašnjenja.

Po zaključenju rasprave vijećnici su se izjasnili glasanjem o Prijedlogu Zaključka o davanju saglasnosti za legalizaciju započete izgradnje proizvodnog objekta i nastavak građevinskih radova Društvu za građevinarstvo i trgovinu „NEIMARI ŠERIĆI“ d.o.o. Zenica i isti **nisu usvojili** s 10 glasova “ZA”, 6 glasova “PROTIV” i 5 glasova “UZDRŽAN”.

Tačka 17. Izvještaj o provedenom postupku javnog nadmetanja – licitacije, radi prodaje građevinskog zemljišta na lokalitetu Trg rudara

Nije bilo potrebe za uvodnim napomenama.

U raspravi niko nije učestvovao.

Vijećnici su s 24 glasa “ZA”, bez glasova “PROTIV” i bez glasova “UZDRŽAN” usvojili Izvještaj o provedenom postupku javnog nadmetanja – licitacije, radi prodaje građevinskog zemljišta na lokalitetu Trg rudara.

Tačka 18. Zahtjev za izjašnjenje Gradskog vijeća Zenica na akt Ministarstva unutrašnjih poslova Zeničko-dobojskog kantona broj: 08-02-03/2-03-2-2717-1/21 od 15.07.2021. godine

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Malik Ejubović, Kenan Uzunović, Almir Babajić, Šerif Patković i Emina Tufekčić. U raspravi je učestvovala Sumea Mujkanović, pomoćnica gradonačelnika za boračko-invalidsku i socijalnu zaštitu, stambene poslove i društvene djelatnosti, dajući određena pojašnjenja.

Po zaključenju rasprave vijećnici su se najprije izjasnili glasanjem o aktu Ministarstva unutrašnjih poslova ZDK broj: 08-02-03/2-03-2-2717-1/21 od 15.07.2021. godine i isti primili k znanju s 21 glasom “ZA”, bez glasova “PROTIV” i bez glasova “UZDRŽAN”. Vijećnica Emina Tufekčić predložila je zaključak o formiranju radne grupe, sastavljene od predstavnika klubova vijećnika, nezavisnog vijećnika i samostalnog vijećnika u Gradskom vijeću Zenica, koja će pripremiti i dostaviti odgovor na akt MUP-a. Prijedlog vijećnice Emine Tufekčić usvojen je s 20 glasova “ZA”, bez glasova “PROTIV” i bez glasova “UZDRŽAN”. Na osnovu usvojenih prijedloga zaključaka formiran je sljedeći zaključak:

I

(1) Akt Ministarstva unutrašnjih poslova ZDK broj: 08-02-03/2-03-2-2717-1/21 od 15.07.2021. godine, prima se k znanju.

(2) Ovim zaključkom formira se Radna grupa, sa zadatkom pripreme i dostavljanja odgovora na traženje iz navedenog akta MUP-a ZDK, u sastavu:

Kenan Uzunović, predsjednik Kluba vijećnika Zenička inicijativa – KF,

Nermin Mehić, predsjednik Kluba vijećnika SDP,

Ekrem Tuka, predsjednik Kluba vijećnika NB,

Mahdi Alić, predsjednik Kluba vijećnika NiP,

Emina Tufekčić, predsjednica Kluba vijećnika SDA,

Albin Čatić, zamjenik predsjednika Kluba vijećnika A-SDA,

Osman Šuvalić, nezavisni vijećnik,

Edisej Sjerotanović, samostalni vijećnik.

II

Administrativno - tehničku podršku za rad Radne grupe pružat će Stručna služba Gradskog vijeća, u saradnji s resornom Službom za boračko-invalidsku i socijalnu zaštitu, stambene

poslove i društvene djelatnosti, koja će Radnoj grupi, za potrebe sačinjavanja odgovora na traženje iz akta MUP-a ZDK iz tačke I ovog zaključka, dostaviti sve relevantne informacije kojima raspolaže.

III

Odgovor Radne grupe dostavlja se Ministarstvu unutrašnjih poslova putem Službe kabineta Gradonačelnika.

Rok za dostavu odgovora Službi kabineta Gradonačelnika je šest dana od dana donošenja ovog zaključka, zaključno s 28.07.2021. godine.

IV

Sastavni dio ovog zaključka je Izvod iz stenograma za predmetnu tačku dnevnog reda.

V

Ovaj zaključak stupa na snagu danom donošenja.

Sjednica je zaključena i završila s radom u 18.07 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

PREDSJEDAVAJUĆI
GRADSKOG VIJEĆA ZENICA

Mirza Husetić